

The Australian Esperantist

(Successor to La Suda Kruco and La Rondo)

Oficiala Organo de la Aŭstralia Esperanto Asocio.

Advertisements: 25 cents per line.



Editor (Redaktoro): F. R. Banham, 31 St. Andrew's Ave., Rosanna, Vic., 3084
Treasurer (Kasisto): L. Scott, 34 Ocean Road, Manly, N.S.W., 2095.
A.E.A. Press Officer: Mrs. M. Chaldecott, 16 Grosvenor Road, Lindfield, N.S.W. 2070
Address of A.E.A.: Box 415 P.O. Manly, N.S.W., 2095.
A.E.A. Libro-Servo: T. Elliott, 8 Lone Pine Parade, Matraville, N.S.W. 2036

N-ro 125 (205)

MELBURNO

Jan.-Feb., 1974

GRATULINDA KONGRESO EN BRIZBANO

La unuan fojon en Kvinslando; La unuan fojon Parlamentano malfermis per bonega Esperanto. La 19-a Aŭstralia Esperanto-Kongreso okazis inter la 2-a kaj 8-a Jan. 1974.

Post streĉa laborado, kun ĉio zorge organizita, la L. K. K. kaj la "Sunbrila Stato" atendis kongresanojn. Se poste sin kaŝis kelkfoje la suno, ofte minacis nuboj kaj falis peza pluvo, tamen neniam mankis varmeco — eĉ troa varmeco de temperaturo — kaj, plej grave, ĉiam sentigis sin varmeco de amikeco, helpemo kaj entuziasmo de lokaj gesamideanoj.

El ĉiuj anguloj de nia vasta kontinento alvenis kongresanoj diversmaniere — per propraj aŭtomobiloj kaj dormveturiloj, per aviadiloj, per aŭtobusoj kaj per trajnoj — unuope, duope aŭ grupope, kaj ĉiu tuj trovis varman bonvenon kaj komfortan loĝejon ĉe la "Internacia Domo" de la Kvinslanda Universitato ĉe St. Lucia. Ebla plej impona, certe plej brua, estis la alveno ĉe la Interŝtata Fervoja Stacidomo de karavano el la sudo. Komencinte dekkvinope sian veturadon en Melbourne, la karavano fariĝis 25 en Sidnejo por alveni kune en Brizbano, kie renkonte atendis ĝin deko da Brizbananoj por transporti kongresanojn kaj al la Universitato. Tie, malgraŭ streĉa okupiteco, la Kongresa Sekretario S-ino W. Greenhalgh, per ĉarma rideto kaj bonvenigaj vortoj persone salutis ĉiun novalveninton. La scenejo estis preta por ĝuinda kongreso.

Propaganda Laboro

La L. K. K. sendis traŝan informilon al ĉiuj gazetoj, Radio- kaj Televidostacioj. Sekve de tiu bona prepar-

laboro, aperis kelkaj artikoloj en la gazetaro. "Brisbane Telegraph" (2/1) aperigis longan artikolon, kaj "The Australian" (3/1) presis fotografajon de Prof. R. Robertson kaj artikolon kun la kaplinio "Esperanto vivas kaj progresas." Raporto pri la prelego de Ralph Harry aperis kun ties bildo. La privat-komerca TV-Stacio TVQ-O televidigis longan intervjuon kun Mal kaj Val Robinson. Ankaŭ la nacia stacio ABC-Z prezentis intervjuon kun Mal Robinson, Prez. de la L. K. K. La sama stacio, en la vespera novajservo (3/1), montris scenejojn el la Solena Malfermo.

La kongreso komencigis

La plimulto de la kongresanoj loĝis komforte en la "Internacia Domo" de la Universitato, kiu konsistis el pluraj kvadatraj, 5-etaĝaj turoj kaj granda mangsalono. Kiel kongresejo servis la bela, teatroforma prelegejo "Abel Smith", proks. unu kilometron for. En ties antaŭhalo troviĝis okulfrapa ekspozicio de Esperantaj, arte aranĝitaj de S-ano O'Grady. Tie ankaŭ Libro-Peranto Tom Elliott konstante deĵoris. Kongresanoj eluzis la oportunon kaj aĉetis librojn en la valoro de \$396.41.

Aligis al la kongreso 177 gesanoj, el kiuj fakte ĉeestis 158. Tio estis ĝis nun la plej granda ĉeestantaro ĉe niaj kongresoj. Laŭstate venis el Kvinslando 77, el Nov-Suda Kimrojo 37, el Viktorio 25, el Okcidenta Aŭstralio 7, el Suda Aŭstralio 2, el Norda Teritorio

2, el Canberra 1 kaj el transmaraj landoj 7. Kompreneble, plej grandan intereson vekis 4 japanaj vizitantoj: Ges-roj H. Sakaeda (Tokio), F-ino Sumiko Susumago (Tokio) kaj S-ro H. Nagai (Osaka). El Christchurch (Nov-Zelando) venis Ges-roj I. May kaj la sepa transmara vizitanto estis nia eksprezidanto Ambasadoro Ralph Harry, C.B.E., kiu speciale venis el Bonn (Germanujo).

Merkredon (2/1) okazis la Bonveniga Vespero en la manĝsalono de al "Internacia Domo". Aŭdiĝis konstanta zumado de gaja konversacio, super kiu de tempo al tempo sonis pli laŭte ekscititaj krioj, kiam malnovaj amikoj retrovis unu la alian. Soifaj gorgoj dankeme akceptis refreŝigajn trinkaĵojn de gastamaj Brizbananoj. Fine, kiam langoj iom laciĝis, la plimulto ripoze ĝuis muzikon kaj kantadon de Kvinslandanoj.

Inaŭguro de la Kongreso

Jaŭde posttagmeze (3/1) okazis la oficiala malfermo de la kongreso. Akurate je la 3-a alvenis la honora gastoj, S-ro Nigel Drury, Federacia Parlamentano por la distrikto Ryan. Parolis unue S-ro Mal Robinson, kiu bonvenigis la Estraron laŭnome kaj la kongresanaron amase, atentigis ke ĉi tiu estas la unua A.E.A. kongreso en Kvinslando, sciigis ke la devizo de la Kongreso estas "Homo al Homo per Esperanto" kaj prezentis S-ron Nigel Drury, Parlamentanon, por malfermi la Kongreson. Ankaŭ S-ro Drury, post E-lingva saluto, emfazis la unikan karakteron de ĉi tiu kongreso por Kvinslandanoj. Poste li parolis honore al D-ro Zamenhof, kiu sukcesis, kie multaj aliaj malsukcesis, kaj tiel faris pozitivan kontribuon al la forigo de bariloj inter homoj. Deklarinte la Kongreson malferma, li denove uzis la internacian lingvon por adiaŭti la ĉeestantaron.

Prof. R. Robertson, A.E.A. Prez., dankis kaj gratulis la gastparolinton pro lia bonega elparolo de Esperanto, sugestante ke oni invitu lin festparoli ĉe la venonta Zamenhofa Festo de la Brizbana Societo. Post mallonga paŭzo, dum kiu S-ro Mal Robinson gvidis la festgaston eksteren por inspekti la Ekspozicion en la Vestiblo, Prof. R. Robertson invitis la salutojn de la diversaj reprezentantoj. S-ro K. Linton salutis nome de U.E.A., S-ro V. Timmins, nome de Int. Katolika Unuiĝo E-ista, S-ro V. Gueltling, nome de S.A.T., S-ro L. Scott (Fed. de N.S.K.), S-ino E. Jullie (Fed. de Kvinsi), S-ro A. Baldwin (Fed. de Vik.) D-ro T. Einihovici (Perth). (Ĉi tiu transdonis al Prof.

Robertson E-ĉemizon nome de la Okcidentaŭstralia E-Ligo) S-ino G. May (Christchurch) salutis nome de Nov.Zelanda E-Asocio, F-ino Sumiko Susumago (Tokio), S-ro H. Nagai (Osaka), S-ro H. Cohen (Melburna E-Soc.), S-ro C. Lanyon (Malvern E-Grupo), F-ino A. Hearn (Oakleigh E-Grupo), S-ino A. Schepers (Morwell), S-ro N. Gamble (Canberra), S-ro T. Elliott (Sydney E-Soc.), S-ro G. Thatcher (Manly), F-ino M. O'Mara (Toowoomba), S-ino V. Clarke (Redcliffe), S-ro J. Moore (Rockhampton), S-ino M. Jones (St. Lucia), S-ro T. Steele (Brizbana E-Soc.), S-ino Doris Sinclair (A.E.I.A. & Sunshine Coast), S-ro W. Chandler (Ornitologia Rondo E.)

Labor - Kunsidoj

Okazis 3 A.E.A.-kunvenoj kaj po unu U.E.A., S.A.T. kaj A.I.E.A. (instruista) Fakkunvenoj.

Prof. R. Robertson malfermis la A.E.A. Ĝeneralan Kunvenon. Li speciale salutis S-ron Ralph Harry kaj legis telegramojn de S-ino J. Clarke (Anglujo), S-ino Grace Kirkwood (Coffs Harbour) kaj F-ino A. Godfrey (Melburno). La Prezidanto petis la ĉeestantojn observi unu minuton da silento por la mortintaj gesamideanoj dum la pasintaj 2 jaroj: S-roj C. Goldsmith (Manly), Allan Turner (Shepparton), Ernest Hanks (Melbourne), W. King (Nov-Zelando), S-ino W. Harvey (Toowoomba) kaj F-ino E. Carrick (Brisbane).

La Vic-Sekretario (S-ro H. Koppel) legis la protokolon de la lasta ĝenerala kunveno 1972 en Melburno. (Akceptita). S-ro Ralph Harry dankis pro la financa subteno ricevita el Aŭstralio por la Sporta Terminaro, kiu ĝustatempe aperis por la Olimpiaj Ludoj en Munhenho. S-ino D. Sinclair dankis pro la premio ricevita por la Kvinslanda Federacio kaj raportas ke 4 kluboj en Kvinslando ricevis libro-premiojn.

Detalan raporton pri la agado de A.E.A. donis Sekretario Russ Baxter. (Legu detalan raporton aliloke) Prof. Robertson dankis la sekretarion pro lia laboro dum la pasintaj 2 jaroj. S-ro C. Lanyon proponis kaj D-ro Einihovici subtenis la akcepton de la raporto. Unuanime akceptita.

A.E.A. Kasisto Les Scott donis detalan raporton pri la financoj de la Asocio. Ĝi aperos en la marta numero de "A.E.". Li atentigis, ke pro la plialtiĝo de la preskostoj kaj afranko por "Australian Esperantist" (je proks. 50%) la

membrokotoz nepe necesos altiĝi. Li proponis ke la jara kotizo por individuaj membroj, por kluboj kaj Federacioj estu \$5.00. Por pensuloj la kotizo restas kiel ĝis nun \$1.50. S-ro Woodruff proponas kaj S-ro Chandler sugtenas la proponon. Unuanime akceptita. Bv. sendu kotizon al Russ Baxter au Les Scott.

S-ino Margaret Chaldecott, la Public-
oficisto, raportis pri sia laboro dum la pasintaj 2 jaroj. Ŝi petis pli da kunlaboro el aliaj aŭstraliaj ŝtatoj kaj faris utilajn proponojn pri estonta laboro. S-ro K. Linton proponis kaj S-ro V. Guelting subtenis akcepton de ŝia raporto. Unuanime akceptita.

S-ro Tom Elliott nun raportis pri la Libro-Servo. Li dankis al ĉiuj, kiuj kunlaboris kun li dum la pasintaj 2 jaroj, sed speciale al la grupoj en Brizbano, Toowoomba kaj Perth. Li havas urgan peton al instruistoj, ke ili ĝustatempe avizu lin kiam instrulibron ili uzos en venontaj kursoj por ke la Libro-Servo povu disponigi pri sufiĉe da ekzempleroj. Tute ne eblas havi amason de ĉi instrulibro ĉiam en stoko. Li raportis, ke li devis aĉeti modernan presmaŝinon por mem presi librolistojn, varbafilojn k.t.p. Tio ŝparas multe da mono, ĉar dum la lasta dujara periodo li devis elspezi \$400 por presadoj. Kluboj aliĝintaj kun A.E.A. nun povos utiligi la presmaŝinon, ĉar Tom Elliott estos preta presi informilojn por nur 50 cendoj. S-ro J. Matasin proponis kaj S-ro W. Chandler subtenis la raporton. Unuanime akceptita.

Sekvis la elekto de la nova Estraro. Ĉar mankis proponoj pri novaj estraranoj, la ĝisnuna prezidanto, Prof. R. Robertson, proponis la reelekton de la sekvantaj:

Prezidanto: S-ro R. Robertson
(Manly)

Vic-Prezidantoj: S-ro K. Linton
(Melbourne) kaj S-ro. I. T.
Maddern (Morwell)

1-a Sekretario: S-ro R. Baxter
(Manly)

2-a Sekretario: S-ro H. Koppel
(Melbourne)

Kasisto: S-ro Les Scott (Manly)
Libro-Servo: S-ro Tom Elliott
(Sydney)

Publikaj Rilatoj: S-ino M. Chaldecott (Sydney)

Kunordiganto (por Koresp. Kursoj)
S-ino S. Fanos (Sydney)

Kaskontrolisto: S-ro G. Thatcher
(Manly)

S-ro C. Lanyon proponis S-ron Maddern kiel Prezidanton, sed S-ro Maddern diris ke li ne deziras esti kandidato

por la prezidanteco. Oni petis ke S-ro W. Chandler prezidu la kunvenon por la elekto de prezidanto. La membraro elektis Prof. R. Robertson kiel Prezidanton, unuanime. S-ro Linton proponis ke oni elektu la ceterajn estraranojn "en bloc". Tiun proponon subtenis S-ro Harry, kaj la membraro unuanime aprobis.

S-ro T. Elliott proponis centran reklamon en "The Australian", gazeto legata tra tuta Aŭstralio. S-ro Mal Robertson subtenis tiun ideon. S-ro Maddern kaj S-ino D. Sinclair kontraŭis la ideon, ĉar ili opinias, ke tia specia reklamo ne taŭgas por kluboj en malgrandaj urboj. La Prezidanto prokrastis diskuton pri ĉi tiu propono, por ke restu tempo por alparolo de S-ro Harry.

S-ro Ralph Harry dankis la membraron pro la financa subteno por la "Sporta Terminaro", eldonita okaze de la lastaj Olimpiaj Ludoj en Munĥeno. Li raportis, ke la aŭstralia registaro lastatempe subtenis Esperanton kvinfoje: (1-e) La Inform-Servo petis serion da 6 E-sonbendoj kaj nuntempe faras 6 novajn. (2-e) Antaŭ la 57-a U.K., en Portland faris novan E-filmon. (3-e) Pagis la kostojn de S-ro Harry por viziti la 58-an U.K. en Beograd kaj la tuddanan E-tagon en Silkeborg (5-e) Presigis 50-paĝan libreton "Faktoj pri Aŭstralio" en eldonkvanto de 10,000 ekzempleroj. Ni gratulu la Aŭstralian Inform-Servon pro tiu praktika uzo de Esperanto.

S-ro V. Guelting (Sydney) raportis pri la laboro de la Honoriga Komisiono. Dum la pasintaj 2 jaroj ĝi ricevis 5 proponojn, el kiuj ĝi akceptis tri: Unu estas S-ro Goldsmith, ĉiu oni jam honoris per la "T. Goldsmith Memoriga Fonduso". La nomojn de la 2 aliaj S-ro Guelting ne povis publike nomi, ĉar ankoraŭ ne estis decidite, ĉu la honorigo estu per Honora Diploma aŭ per Honora Insigno. S-ro Woodruff proponis kaj S-ino T. Smith subtenis la akcepton de la raporto kaj la membraro re-elektis la ĝisnunan komisionon (S-ino R. McGrath, S-roj V. Guelting, V. Timmins).

La Prezidanto malfermis denove la diskutojn pri centra reklamo. S-ro Maddern diris, ke li ne konsentas elspezi monon de sia klubo por tia reklamo. S-ro T. Elliott proponis ke la elektota reklamo-oficisto petu subtenon de ĉiuj kluboj, sed sen rajto dikti al la kluboj. S-ro Moore: "Kial ni bezonas reklam-oficiston, ĉu ne la estraro povos fari tiun laboron?". S-ro Elliott "La estraro

estas jam tro okupita". S-ro R. McGrath kontraŭas ĉar mankas detaloj pri la elspezotaj sumoj kaj ankaŭ pro lokaj cirkonstancoj. Tamen, ŝin ne kontraŭas se la kosto estus konata. S-ro Mal Robinson klarigis, ke per reklamoj en tutlanda gazeto kiel 'The Australian', la Brizbana Societo fakte ŝparas \$80. S-ro Maddern proponis kaj S-ro D. Sinclair subtenis, ke A.E.A. subtenu la Federaciojn ĝis maksimume \$50. Tiun amendon la membraro malakceptis kaj akceptis la originalan proponon pri centra reklamo (krom 4 voĉoj).

S-ro Les Scott proponis, ke oni altigu la prezon de la Korespondaj Kursoj. La novaj prezoj estu: Populara Kurso \$8, Mezgrada Kurso \$12, Altgrada Kurso \$16. S-ro T. Elliott subtenis la proponon, kiun la membraro akceptis unuanime. S-ro Elliott proponis kaj S-ro M. Robinson subtenis proponon ke la A.E.A.-estraro rajtu, laŭ neceso, altigi la prezon de la Koresp. Kurso. Akceptita (kontraŭ unu voĉo).

S-ro M. Chaldecott faris kelkajn utilajn proponojn por la estonteco. Si proponis, ke, se la Olimpiaj Ludoj 1988 okazus en Sidnejo, tuj poste okazu tie U.E.A.-Kongreso. S-ro Baldwin subtenis tiun proponon, kiun la membraro unuanime akceptis. (Tamen, pli grave, restas du demandoj: Ĉu la Int. Olimpia Komitato elektos Sidnejon kaj ĉu U.E.A. riskus aranĝi Univ. Kongreson en fora Aŭstralio?) Alia propono de S-ro Chaldecott temis pri uzo de speciala poŝtstampo por venontaj E-kongresoj kaj fari ion antaŭ kaj dum la "Int. Vojaĝ-Foire" 1975 en Sidnejo. (Akceptita) Oni ne akceptis proponon de S-ro Chaldecott presi pagitan reklamon en "The Australian" post ĉiu Universala Kongreso.

S-ro W. Chandler proponis, ke estonte okazu ornitologia fakkunveno ĉe kongresoj. (akceptita). S-ro Linton faris alvokon ke pli da membroj preparu sin por Klereca Diplomo. Ni havas nuntempe nur 4 "Klerecanojn". Li ankaŭ anoncis ke la Zamenhofa Fonduso povas nun kontribui monon al iu klubo, kiu intencas aĉeti propran domon.

Okazis diskuto pri la loko de la venonta (20-a) kongreso. S-ro Mal Robinson proponis kaj S-ro Chandler subtenis Sidnejon. S-ro H. Koppel proponis Melburnon. Li legis leteron ricevitan da la "Melbourne Convention Bureau", en kiu tiu organizo promesis subtenon por la 20-a Kongreso, kiu samtempe estos ankaŭ la unua Pacifika E-Kongreso. S-roj Les Scott kaj Tom Elliott subtenis la kandidatigon de Mel-

burno, ĉar multaj Sydney — kaj Manly —anoj estas jam tro okupitaj pri A.E.A.-aferoj. S-ro Lanyon diris, ke Melburno jam havas taŭgan kongres-stabon, kiu garantios sukceson. S-ro Linton menciis, ke dum pasintaj kongresoj en Sidnejo kongresanoj ofte devis fari longajn vojaĝojn por atingi la diversajn kongreslokojn. Se Sydney estus veninta al Brizbano kun konkretaj proponoj pri la kongresejo kaj la loĝloko de kongresanoj, li volonte voĉdonus por Sidnejo. S-ro Maddern ankaŭ proponis, ke Melburno estu la venonta kongresloko. La membraro, kun kelkaj sindetenoj, fine akceptis Melburnon. Pri la dato, S-ro V. Gueltling proponis la saman periodon, sed ĉar temos ankaŭ pri Pacifika E-Kongreso, ĝi devos daŭri proks. 10 tagojn.

S-ro T. Elliott proponis kaj S-ro H. Koppel subtenis ke S-ro Shirley Fanos estu la nova Reklamisto. S-ro J. Moore (Rockhampton) proponis ke A.E.A. elektu ĉe ĉiu kongreso 2-jaran laborplanon. Li proponis ke por la venontaj 2 jaroj ni laboru por amikeca kontakto kun la skolta movado, speciale kun la Skolta Ligo Esperantista. S-ro Sinclair, Tom Elliott kaj S-ro O'Grady subtenis la ideon kaj S-ro Mal Robinson proponis, ke S-ro J. Moore estu nia skolta komisiito (akceptita).

La U.E.A.-KUNVENON prezidis la Ĉef-Delegito S-ro K. Linton. Kelkaj delegitoj, i.a. S-roj Moore, Woodruff, S-ro R. McGrath, raportis pri informetoj ricevitaj kaj F-ino Ann Hearn rakontis interesan epizodon dum vojaĝo de samklubano tra Italujo kaj la helpon kiun ŝi ricevis de la UEA-delegito en Romo.

La S.A.T.-KUNVENON gvidis la Peranto S-ro V. Gueltling. Li klarigis pri la ĉi-jaraj kotizoj kaj li petis S-ron Koppel prelegi pri ties vojaĝo al Kanado. S-ro Koppel mallonge priskribis sian vojaĝon tra Honolulu, Vancouver al Toronto, kie li havis la oportunon ĉeesti la 46-an SAT-Kongreson kaj prelegi pri Canberra antaŭ 200 delegitoj.

La ĝeneralan kunvenon de A.I.E.A. (INSTRUISTOJ) prezidis la Prezidanto S-ro Doris Sinclair. Kvankam la financa raporto montris kredit-saldon de \$163.40, la sekretario raporto montris, ke la membraro malpliigis de 84 al nur 24 pagintaj membroj. Sajnas ke la intereso de multaj perdis pro la malofta aperigo de "Klerico", kies redaktoro (S-ro I. Maddern) klarigis, ke pro troa okupiteco, recipe pri la Sendependa Universitato, li ne plu povas redakti la organon. Estas evidente, ke

membroj ne volonte pagas kotizon se ili ne ricevas oficialan organon. Laŭdin-daj raportoj estis ricevitaj de S-ino Sinclair, S-ro Moore kaj Maddern pri porinstruaj agadoj en la Sunbrila Marbordo, Rockhampton kaj Morwell. Pro manko de redaktoro kaj malpliigo de pagantaj membroj estis unuanime decidite ke la Asocio "paŭzu" dum 2 jaroj, post kiam oni esploras la situacion dum la 1976a kongreso.

Prelegoj kaj Filmoj

Prof. R. Robertson (3/1) donis detalan skizon pri "La Malfermita Universitato", kies administran centron en Anglujo li juse vizitis. Li rakontis ke nuntempe 40,000 studentoj partoprenas, kiuj pagas \$500 jare. El ili nur 25% malsukcesas. Kompare, li diris, ke en Aŭstralio kutime 50% malsukcesas. Profesoroj de Oxford kaj Cambridge instruas dum 32 semajnoj jare tute sen prelegoj. Ĉefa celo estas instrui homojn, kiuj antaŭe ne povis viziti Universitaton.

Samvespere, S-ro I. T. Maddern klarigis la celon de la "Sendependa Universitato de Aŭstralio", kiun li fondis en januaro 1972, ĉar li estis malkontenta pri la ĝisnunaj universitatoj kaj ilia edukada sistemo. Dum la lasta jaro 60 studentoj elektis Esperanton kiel unu el siaj studtemoj, kaj, la Universitato pagis por ili aliĝojn al U.E.A. (\$480) kaj al A.E.A. (\$180). Instruo okazas nur per korespondo, la kurspagoj estas nur triono de tiuj en aliaj universitatoj kaj ne okazas ekzamenoj. Instruistoj juĝas siajn studentojn laŭ iliaj verkaĵoj.

S-ro Ralph Harry, C.B.E., prelegis (4/1) pri "Libereco de Parolo" (La homa rajto al komuna internacia lingvo). Li atentigis pri la 25-a datreveno de la Universala Deklaracio de Homaj Rajtoj. Kvankam ĝi ne diras ke oni rajtas paroli iun specifan lingvon, tiu klare kaj ripetite asertas ke oni devas havi ĉiujn homajn rajtojn sen la lingva diferenco. Laŭ tio, logike sekvas ke ĉiu persono en ĉiu lando havas la rajton povi interkomunikiĝi kun ĉiu alia homo per komuna internacia lingvo. Tial ni proponu al la aŭstralia registaro, ke kiel parton de la programo por plenumi homajn rajtojn ili favorigu la disvastigon de la internacia lingvo Esperanto. (Spaco ne permesas tutan represon ĉi tie, sed ni esperas aperigi la plenan tekston en estonta numero.)

S-ro H. Petley, (5/1) prelegis pri "MAKROKOSMO kaj MIKROKOSMO" laŭ filozofa studo de la belga verkisto Maeterlinck. Tiu montris ke la homo

en la diversaj stadioj de evoluo, de la koncepto ĝis la naskiĝo, reprezentas ĉiujn stadiojn en la evoluo de kreado.

Samvespere, S-ro H. Koppel prelegis pri "LA FRANCA SERĈPOETO RAYMOND SCHWARTZ". Li skizis ties vivon kaj verkadon kaj poste ridigis la aŭdantaron per kvar pensinstigaj poemoj.

S-ro Victor Bourlin (5/1) montris sian artan kolekton da humur-satiraj lumbildoj "GRIMACOJ de la MONDO" kun taŭgaj komentoj kaj muzik-ĉerpajoj.

Kongresanoj havis la eblecon vidi aron da filmoj en Esperanto. La filmo "Angoroj" estis parte interesa kultur-filmo pri Parizo kaj parte krimul-intrigo. Bedaŭrinde, la sono kaj la lumo de la filmo ne estis tro bona, kaj multaj ĉeestantoj komprenis nur malmulton. Kontraŭe, la filmo "Norvegujo" estis teknike perfekta kaj montris per belaj koloroj la vidindaĵojn kaj iom de la historio de tiu norda lando. Ni ĝojis vidi du belajn filmojn pri Aŭstralio, faritajn de nia "Novaj- kaj Inform-Servo": "Jen Aŭstralio" kaj "Takto-Aŭstralio, en la sepdekaj jaroj". La lastnoma filmo estas ege moderna en belaj koloroj, kaj estas bonega varbilo por Aŭstralio en eksterlando. La aŭstralia ŝtata filmservo meritas niajn gratulojn.

Distraĵoj kaj Ekskursoj

Vendredvespere (4/1) okazis la Drama-Konkurso: Du grupoj konkuris por la Drama Sildo, kaj iliaj kontribuoj konsistigis artan, amuzan kaj pensinstigan programon. Dua kontribuo al la glata prezentado kaj guo de la aŭdantaro estis la bela tre moderna teatro Schonell, en kiu la konkurso okazis. Ĝi estis klimatizata kaj ĉiel ekipita, kies sola malavantaĝo estis la alta luprezco — \$100.

Kvin anoj de la Manly-grupo prezentis komedion "Apartamento por si mem", originale verkitan de Margaret Liston, kiu ankaŭ regisoris kaj aktoris en la ĉefa rolo. Dek naŭ anoj de la Brizbana Societo tre gaje kunaktoris en la dua originala teatraĵo, verkita de Trevor Steele. "Jen Nia Mondo" ŝajnis televizian programon de novaĵoj kaj reklamoj laŭvice. Ĉi tiu amuza kaj lerte satira prezentado atentigis pri la homa tendenco emfazi la malgravan pli ol la gravan. Kiel vigla anoncisto rolis la verkinto. Laŭ posta balotado de la aŭdantaro, la Brizbana Societo gajnis la trofeon.

Dank' al la fervora sindediĉo de la Manly-anoj al la drama arto, la aŭdantaro samvespere ĝuis ankoraŭ unu kolorplenan prezentadon — duonburleskan pantomimon "Cindrilino". En ĉi tiu kunludoj anoj de la Sidneja Klubo. Denove ne nur kunaktoris, sed ankaŭ lerte regisoris Margaret Liston. Al ĉiuj aktoroj kaj verkintoj, koran gratulon.

La unua ekskurso, kiu okazis je la tago de alveno, ebligis, ke kongresanoj, konatiĝu samtempe unuj kun aliaj kaj kun la ĉirkaŭaĵo de Brizbano. Tuj post lunĉo, du aŭtobusoj, plenaj de gaje babilantaj pasaĝeroj ekiris de Internacia Domo, por atingi Monton Coot-tha en la Montaro Taylor. Tie oni ĝuis superban panoramon de la ĉefurbo. Revenante, denove la aŭtobusoj haltis ĉe Bartley's Hill de kie videblis aliaj vidindaĵoj panoramoj de la urbo kaj ties haveno.

Du tagojn poste, dua aŭtobusa ekskurso transportis kongresanojn al la Best-Protektejo ĉe Lone Pine, kie indiĝenaj bestoj vivas sub naturaj kondiĉoj. Ĉefa intereso estas kompreneble la dorlotallago kaj dormetema "Koala", sed ankaŭ multaj kangaruoj estas tute malsovaĝaj kaj amikemaj, dum eble iom da pacienca atento elvokas kompensan saluton de parolema kakatuo.

Dimanĉon, la 6-an, okazis tuttaga ekskurso, unue per aŭtobuso al la rivera kajo, kaj poste per boato sur la rivero Brisbane ĝis la homfarita Insulo Bishop apud la maro. Tre kompleza pruviĝis la pluvo, kiu ĉesis ĝuste, kiam la ekskursantoj devis marŝi de la aŭtobusoj al la boato kaj longe antaŭ ol la boato atingis la insulon, kie oni povis lunci, pikniki, marŝi aŭ naĝi laŭvole en plena sunbrilo aŭ pli milda ombro dum pluraj horoj antaŭ ol reiri laŭ la sama vojo.

La kvara ekskurso (7/1) estis duporta aranĝo. Du aŭtobusoj ekveturis de Internacia Domo por liveri kongresanojn ĉe la enladigejo de Golden Circle. Tie ili partoprenis horlongan inspektadon, observante ne nur la pli sorĉan preparadon de frukto kaj suko ananasaj — ni ne forgesu eĉ permeseblajn gustumojn — sed ankaŭ la fabrikadon de ladaj ujoj kaj kartonaj skatoloj, mallonge la tutan procedon. De "Golden Circle" la aŭtobusoj nun veturis norden al Redcliffe, marbordejo sur duoninsulo, atingebila per longega ponto (1 3/4 mejlojn) kaj ne nur loko de ankoraŭ unu tre aktiva E-grupo, sed la sola aŭstralia urbo kun Strato Esperanto, rezulto de klopodoj de Lady Fraser, bedaŭrinde jam mortinta. Dank' al la klopodoj de

lokaj E-istoj okazis urbestra akcepto. Lia Moŝto mem. Skabeno S. Kroll, bonvenige alparolis la vizitantojn kaj poste pozis kun japanaj kongresanoj por loka ĵurnalisto. Post respondo de Prof. Robertson, la Urbestro invitis al vera luksa regalo, kiu staris jam preta meze de la salono.

La 6-a ekskurso, la postkongresa, denove tuttaga, iris norden al Caloundra, ĉe la Sunbrila Marbordo, hejmurbo de aktiva S-ino Doris Sinclair, kiu survoje donis informplenan komenton pri la pitoreska kamparo kaj urbetoj. Kun la Montaro Glasshouse videbla, ŝi rakontis ankaŭ kelkajn ĉarmajn indiĝenajn legendojn rilate al la stranga formo de individuaj montoj. Lunĉo estis preta ĉe hotelo en Nambour, kie kelkaj E-lernantoj de S-ino Sinclair venis salute. Pluvo akompanis nin preter fruktobienoj kaj urbetoj ĝis Caloundra, kie fine sin montris la suno. Restis nur paŭzeto por adiaŭi S-inon Sinclair kaj saluti ankoraŭ kelkajn ŝiajn lernantojn, antaŭ ol reveturi.

La Di-Servo

S-ro A. Deutscher estris ekumenan Di-Servon, kiu okazis dimanĉvespere en la Manĝsalono. Al tiu kontribuis per legajoj diversreligiaj la jenaj: S-roj Linton, Timmins, Guelting, Guenster, D-ro Einihovici kaj F-ino Turner.

Internacia Koncerto

Guplena muzikfesto okazis (7/1) en la Prelegejo Abel Smith. La Konferansco (1) estis S-ro R. Ross de la Brizbana Societo. La unua parto, kiun prezentis profesiaj kaj duonprofesiaj geartistoj, konsistis el pianludado, skotaj dancoj, solkantoj kaj germanaj popolkantoj, prezentataj de la horo de la germana klubo. La dua parto estis mikspoto de Esperantistoj, japanaj dancoj kaj moderna orgenludado.

(1) Compere: prezentanto kaj klariganto ĉe muzika programo.

Li komentas pri la verko, aŭtoro kaj ludanto(j).—Red

Fermo de la Kongreso

Antaŭ ol fermi la kongreso (8/1) Prof. Robertson prezentis 3 parolantojn: S-ro V. Guelting legis teknikajn artikolon el "Heroldo de Esperanto", D-ro T. Einihovici deklamis "Al la Fratoj", de D-ro Zamenhof, kaj S-ro H. Koppel provis instrui al la ĉeestantoj "Kiamaniere fariĝi E-verkisto". En sia fina parolado Prof. R. Robertson dankis al la Brizbananoj pro ĝuinda kaj bela kongreso, instigis al plua laboro por Esperanto kaj esprimis la esperon revidi ĉiun ĉeestanton en januara 1976 ĉe la 20-a aŭstralia kon-

greso kaj la Pacifika Esperanto-Kongreso en Melbourne.

La Kongresa Bankedo

Mardvespere (8/1) okazis la kongresa bankedo en la granda halo de la "Queensland Lawn Tennis Association". F-ino Beverley Allatt respondendis pri la aranĝoj kaj akceptis la 140 alvenintojn ĉe la enirejo. Post bongustaj mangaĵoj, miksitaj kun gaja babilado, Prof. R. Robertson proponis la toston al la Regino kaj kun interspacoj sekvis aliaj tosto. S-ro Mal Robinson proponis la toston al A.E.A., kaj S-ro K. Linton tostis la lokan kongresan komitaton. S-ro Herbert Koppel, donacinto de la Dramo-Trofeo, transdonis tiun al S-ro Trevor Steele, kiu akceptis la trofeon en la nomo de la Brizbana Societo. Al Margaret Liston, nome de la Manly-grupo, S-ro Koppel transdonis 3 libretojn kiel konsolpremion.

Tripersona dancorkestro provizis muzikon inter kaj post la diversaj programoj, kaj multaj ĉeestantoj profitis el la oportunoj por danci ĝis la reveno de la aŭtobuso.

Dum ni pretigis ĉi tiun raporton, atingis nin la maltrankviliga novaĵo pri la pluvego kaj la inundoj en Kvinslando.

Niaj pensoj kaj kunsento estas kun ĉiuj Kvinslandanoj, sed precipe kun niaj samideanaj amikoj.

OFICIALA INFORMILO: A.E.A. NOVAJ ANOJ:

Hoagson, Mr. M. G., Francis Creek, N.T.

Whitten, Mrs. G., Boambee, N.S.W.

Edwards, Mrs. R., Coffs Harbour, N.S.W.

Dransfield, Mrs. B., Coffs Harbour, N.S.W.

Munro, Mrs. K., St. Lucia, Q.

Pelly, Mr. P. J., Kenmore, Q.

Ahrens, Mr. R., Albion, Q.

Schepers, Mr. and Mrs., Won Wron, Vic.

Dowling, Mr. N., Cooe, Tas.

Woodbridge, Mrs. D. A., Victor Harbour, S.A.

Vella, Mr. C. J., Newborough, Vic.

T.G.M.F. (Publicity):

Sinclair, Mrs. D., Caloundra, Q. \$5.00

Koppel, Mr. H., Reservoir, Vic. 5.00

Martin, Mrs. S., Brisbane 1.50

Strawbridge, Mrs. V. H. Victor Harbour, S.A. 1.00

Woodbridge, Mrs. D. A., Victor Harbour, S.A. 1.00

GEN. FONDUSO:

Sinclair, Mrs. D. Caloundra, Q. \$10.00

ANONCO: Per unuaniman voĉdono ĉe la Generala Kunveno de la A.E.A. en la kadro de la Deknaŭa Aŭstralia E-Kongreso: AEA Kotizo: \$5 ĉiujare. Kursoj: Elementa \$8; sen lernolibro sen vortaro \$7. Mezgrada: \$12; sen lernolibro \$10. Supera: 16; sen lernolibro \$14.—Russ Baxter, 18 jan.

A.E.A. EXAMINATIONS

Supera (Advanced): Mrs. V. Robinson, Aspley, Q.; Mrs. M. Ross, Sunnybank, Q.; Mr. R. Ross, Sunnybank, Q.; Miss B. Allatt, Brisbane; Mrs. D. Sinclair, Caloundra, Q.

Elementa (Elementary): Miss J. Turner, Rockhampton, Q.; Miss J. Lehane, Toowoomba, Q.

Mrs. M. E. Tronerud, Macleod, Vic. gained the Elementary Diploma last January. We regret omission of mention in earlier number.

A.E.A. RAPORTO: 1972-3

LASTATEMPE, dum preparo de tiu ĉi raporto, la memoro de nia antaŭa, sindonema sekretario ofte anstataŭis la klopodon faratan. Tiu estis sperta kaj lerta E-isto kiu dum multe da jaroj sin dediĉis tute al nia movado. Tia sindediĉo tute superas mian kapablecon, sed kun via helpo kaj la subteno de la Estraro nia Asocio ne disfalos.

PUBLICIGO: En 1972-3 membroj distribuis 12,000 verdajn kartojn, kaj ni ricevis 1108 informetojn; 164 homoj aliĝis al la Elementa Koresponda Kurso. Kompare kun 1970-1 ni distribuis nur kvinonon de la nombro de kartoj, sed ni ricevis kvin sesonojn de la nombro da informetoj. Krome, la nombro de kurs-aliĝintoj efektive pligrandiĝis. Tiu rezulto bone aŭguras por la fina venko de nia movado.

READER'S DIGEST: En jan. 1972 aperis reklamo en tiu revuo. Ni ricevis 548 informetojn; 69 personoj aliĝis al la Koresponda Kurso. Kvankam, procente, la R.D. reklama rezulto superis la kartan, tamen, laŭ la kosto, kartoj restas ege preferindaj. Malkontenton montris iuj klubestroj pri la verdaj kartoj, kaj mi tute konsentas; Por la A.E.A. eble ili estas sufiĉe bonaj, sed arbo estas tiel forta kiel siaj radikoj. Antaŭ nelonge ni presis (per nia propra presmaŝino) tri informilojn. Por la serioza persono (do instruista "materialo") ni liveras ekzempleron de bonega artikolo de Prof. Cavanagh. Por ĝenerala uzado, nome por homoj kiuj kredas, ke E-o estas jam enterigita, ni produktis flugfolion pri la tutmonda karaktero de nia lingvo. Pri la tria informilo, ni esperas, ke tiu (aŭ in simila) anstataŭos la verdan karton — eble ni

devus ĝin nomi: Varba Karto.

Unueco donas forton. E-istoj devas kunlabori. Kiel diris Prof. Ivo Lapenna: "Multo da laboro atendas!"

KORESPONDAJ KURSOJ: Jen la nombro de aliĝintoj en la tri dujaraj periodoj 1968-9; 1970-1 kaj 1972-3;

Elementa	72	143	164
plus R.D. por 1972			69
Mezgrada	41	49	53
Supera	5	14	14

Progreso daŭris dum la lasta periodo. eĉ sen la R.D. reklamo. Ni esperas, ke la ĉi-supre menciitaj informiloj presitaj kaj presotaj plus freŝaj entuziasmigaj ideoj kuragiĝos nin ĉiujn por plua laborado. La Estaro tre dankas al la instruantoj kiuj helpis la lernantojn kaj esperas, ke ili tion daŭrigos.

KUNORDIGANTO: Post la perdo de nia mortinta korespondkurso administranto, mi tiun oficon akceptis, sed bedaŭrinde pro miaj propraj respondecoj mi ne povis prizorgi inter la instruanto kaj la studanto. Bonŝance ni trovis la ĝustan personon. Vigle sin dediĉinte al al disvastigo de E-o, S-ino Shirley Fanos bonege plenumis tiun taskon.

NIA GAZETO ankoraŭ aperas regule ĉiumonate, sed por daŭrigi la oftecon ni devas konsideri pli altan kottizon. Pri nia estimata S-ro Reg Banham, redaktoro de la gazeto kaj ĉef-ekzamenanto, miaj komentoj estus balastaj. Li meritas sinceran dankon.

S-RO JACK FALLU prizorgas la dissendon de la gazeto—ĉiam bone kaj senprokraste. Lin ni kore dankas.

PUBLIC-OFICISTO: Laŭ decido ĉe la lasta Kongreso la Estraro kooptis novan oficiston. Al S-ino Margaret Chaldecott nian dankon. Kiel Shirley Fanos, ŝi estas plej taŭga persono.

NIA LIBROSERVO: Apartan mención meritas Tom Elliott. Ties klopodoj elstaris kiel ekzemplo al ni ĉiuj. Antaŭ kelke da semajnoj li aĉetis la jam menciitan presmaŝinon. Por liaj pripensitaj sugestoj ni devas atendi, sed intertempe nian sinceran dankon al li.

MEMBRARO: Je la fino de 1971 ni havis 379 membrojn. Dum la jaroj 1972-3 ni gajnis 278 membrojn kaj perdis 204, do je la fino de 1973 ni havis 453 membrojn. Alivorte, ni gajnis en la nombro de 73% kaj perdis en la nombro de 53%. Gajno neta: 20%.

Evidente, ni povas altiri novajn anojn, sed bedaŭrinde ni ne povas subteni ilin. Parenteze, simila situacio okazas pri la koresponda kurso. Kial?

Eble ni ne celas la plej taŭgan specon de homo?

Eble ni ne sufiĉe emfazas la vastecon de nia lingvo?

Eble ni ne sufiĉe esprimas fieracon

pri nia lingvo?

Certe ni (klubo, federacio, asocio) devas pli proksime kunlabori.

FINANCOJ: Nia kasisto, Les Scott, ankoraŭ multe laboras por E-o. (Li estas ankaŭ prez. de la Federacio de Nov-Sudkimrujo). Ofte ni du ĉeestas nian propran Rotaria-Esperantan kunvidon!

Financa raporto por la periodo aperos en la marta nro. Detalojn raportos Les; tamen ni devas atentigi vin pri unu fakto: kvankam la kredito en la banko ŝajnas esti pli bona, tio tamen estas nur iluzio. Baldaŭ ni devos represigi "Freedom of Speech". Kosto ĉ. \$400. Ankaŭ la enspezo gajnita de la R. D.-reklamo ne estas ripetebla — ĉ. \$300.

LA NOVA STATUTO proponita ĉe la Kongreso jan. 1972 fine ricevis aprobon per voĉdoniloj kiel estas anoncita en "A.E." sept. 1972.

T. G. MEMORAĴA FONDUSO por publicigo. La tri jam menciitaj informiloj estas nur la unuaj de helpiloj intencotaj por kluboj, sed por provizi tiajn help-rimedojn ni devas konservi sanan fonduson. Tiny firme kredis pri la valoro de publicigo: via nuna Estraro tute konsentas.

KORAN DANKON al nia prez. Robbie Robertson. Lia konsilo, precipe de post la morto de Tiny, estas netaksebla. Kompreneble, kiel ĉiu bona estro hodiaŭ, li vojaĝis eksterlande dum multaj monatoj.

AL HERBERT KOPPEL, sekretario dum multe da jaroj, nun vic-sekretario, fonata E-isto, dumviva membro, varman dankon.


Tre plaĉas al mi konatiĝi kun ĉiu klub-estraro por ke mi povu ĝisdatigi informon en la Adresaro presota. Fine, bv. komprenu la lakonecon de mia korespondado. Mankas al mi tempo por babilo, kaj mi nepre devos senprokraste respondi aliĝontojn kaj informpetojn. Ĉi tiun jaron mi atendas aliĝi al post-diplomita kurso — akapunkturo — do ŝajnas, ke mi devos uzi eĉ la tempon kiu jam mankas al mi! Dankon! — Russ Baxter, sekretario, 1 jan.

ZAMENHOF ON TELEVISION

A television film is being prepared about Dr. Zamenhof and Esperanto by the Esperanto section of Polish Radio. Details from Pola Radio, Esperanto-fako, P.K. 46, PL-00 950 Warsaw 1.

LIBERA FORUMO

"The A.E.", dec., p. 50, estas mencio pri portreto de Zamenhof kun blankaj haroj kaj barbo. Efektive, li ne havis blankajn harojn.—A. Holzhaus, Usono.



PARTO DE LA KONGRESANARO

The zinc plates for these Congress photographs were generously given by Apex Engraving Co. Pty. Ltd., Melbourne, as a mark of sympathy with our movement, through our Vice President, Mr. K. G. Linton.



LA A.E.A. ESTRARO

De maldekstre dekstren: Vic-Prez. I. Maddern (Morwell), Kasisto Les Scott (Manly), Prez. Prof. R. Robertson (Manly), Vic-Prez. K. Linton (Melbourne) 1-a Sekr. R. Baxter (Manly), 2-a Sekr. H. Koppel (Melbourne).

AUSTRALIA KRONIKO

SYDNEY: 19/11: Tom Perry paroladis pri la Funkciado de la Korpo. Montriĝis lumbildoj de vivantaj homoj, per kiuj li konsile kaj averte demonstris la ĝustajn kaj malĝustajn korpeniĝojn. Multa malsano rezultas de malĝustaj korp-teniĝoj. Li instruis, kiel bone stari, sidi kaj paŝi, emfazante, ke la muskoloj ne devas esti streĉataj. Ĉeestis 20. Tri membroj sonbendis bondeziron por societo en Francujo kaj aliaj antaŭprovis teatraĵojn por la Zamenhofa Vespero.

26/11: Shirley Fanos petis, ke la ĉeestantoj (22) faru "rondon", kaj komencis per rakonto pri "La plej bona inventaĵo de la jarcento". Ŝi opiniis, ke ĝi estis la progreso de la medicina scienco kaj menciis rimarkindan resanigon de ŝia filo kiam li estis infano. Aliaj parolis pri siaj ideoj. Ili nomis radion, telefonon, elektran mikroskopon, eĉ tirfermilon kaj "mini". Volo Gueltling opiniis, ke Esperanto estis la plej bona inventaĵo de la jarcento. Ĉiuj konsentis, ke la preparo de teo, poste, estis ankaŭ bona inventaĵo. (Pri kiu jarcento temas — la 19-a aŭ la 20-a? — Red.)

Oni rimarkis bonan progreson de novaj membroj.

Shirley Fanos proponis havi posttagmezan teon kaj konversacion ĉe Esper-

anto Domo la unuan dimanĉon en la monato. Ĉeestis 20 la unuan okazon 2/12.

3/12: Jean Green prezentis belajn bildojn pri la malfermo de la Operdomo. Ni vidis la Reĝinon kun la Guberniestro-Generala; internajn kaj eksterajn vidaĵojn de la konstruejo; la havenon densan je ĉiaspecaj flotaĵoj. Poste Margaret Chaldecott aranĝis ludon. La okuloj de ĉiu membro laŭvice estis blinde vinditaj. Tiam tiu prenis artiklon (uzata en domo) el sako kaj devis diveni: kio ĝi estas, per fingra ekzameno palpa. Kelkaj el la artikloj, foje strange kuriozaj, ridigis la vidantojn.

9/12: Membroj antaŭprovis teatraĵojn prepare por la Zamenhofa Vespero. Wre Chandler 10/12 estis intervjuata pri Esperanto de Mike Walsh (TV 10) — estis ĝi bona publiko, ĉar Wre lerte, impresis respondis.

15/12: Pli ol 50 aŭleŝis la Zamenhofan Vesperon. Esperanto Domo estis plenkplena. Fritz Mueller-Sorau festparoladis pri la laboroj kaj atingoj de la Majstro. Sur muro malantaŭ la parolanto estis la bela nova portreto de Zamenhof, pentrita de Victor Bourlin kaj donacita al la Klubo. Teatraĵo kun Joan Green kaj Gladys Taylor sekvis, membroj legis el la libro: "Winnie-la-Pu", kaj direktate de Marjorie Duncan

la ĉeestantoj komune kantis. Post bona manĝo, ili adiaŭis unu la alian ĝis rekunveno en 21/1.

MANLY: La klubanoj de Manly libertempis dum decembro. Okazis ĝuplena societa vespero ĉe la fino de la trimestro. Poste okazis Krisnaska Vespero ĉe Ruth Carruthers post la afer-kunveno. Sekvis 15/12 la Zamenhofa Vespero ĉe Esperanto Domo. Klubanoj de Sidnejo kaj Manly unuiĝis ĉe tiu solene plezura celebrazo. Ĝi finiĝis per bongusta vespermanĝo. En 1/1 klubanoj de Manly iris al Brizbano, kie tiulokaj membroj bonvenigis kaj veturigis nin al la Universitato por alesti la komencon de la Brizbana Kongreso — la plej ĝuplena kongreso. Estis bona vetero ĝis la lasta tago, kiam ekpluviĝis. Laŭ Win Greenhalgh, "la ĉielo vere falis" post kiam ni foriris. La lastaj du semajnoj en januaro estis tre okupata tempo. Okazis du malgrandaj ekspozicioj: unu en granda fenestro de butikoj ĉe la Corso, ĉefstrato de Manly, kaj alia en la Commonwealth Bank, kiam klubanoj ĉeestis laŭvice ĉe la Informa tablo. Ŝajnas, ke multaj personoj interesiĝis pri E-o, do kun fido kaj espero ni atendas pli grandan nombron de komencantoj, kiam la klubo malfermiĝos en feb.—K.M.

SYDNEY: 21/1. Ni kunvenis por la unua fojo post la Kongreso, kaj iuj membroj raportis entuziasme pri ĝi. La estraro aranĝis reklamojn por la novaj kursoj, kaj ni ĉiuj komencas 1974 kun renovigita inspiro.

BRISBANE: La jara ĝenerala kunveno okazis ĉe la klub-ĉambro. Martin Chambers, januaro 1974. Jen la nova komitato.—

Prezidanto: S-ro Ray Ross; Vic-Prezidanto: S-ro Tom O'Grady; Sekretario: S-ino Val Robinson; Help-Sekretario: F-ino Beverley Allatt; Kasisto: F-ino Cathy Sullivan; Bibliotekisto: S-ro Tom O'Grady; Libro-Peranto: F-ino Desley Clarke; Lernejestro: S-ro Mal Robinson.

TOOWOOMBA: Ni okazigis la Zamenhof-datrevenon 15/12 ĉe la hejmo de nia bibliotekisto, S-ino Lehane. Dudek ĉeestis; sendis leterojn ses membroj, kiuj ial ne povis alesti. Inter la ekster-Toowoombaj gastoj estis Ges-roj Ross (Brisbano) kaj S-ino Buchan (St. George). La prezidanto, H. V. Perley, faris la E-an paroladon. S-ro Ross ridamuze rakontis historieton, kaj S-ino Lehane kaj F-ino O'Mara prezentis komikan teatraĵon. F-ino O'Mara

paroladis interese pri la Metrika Sistemo. Sekvis E-diskoj kaj sonbendoj kaj komuna kantado. Tre ĝua vespero.

Evan Simpson (estro de la loka centro por Plenkreskula Edukado) certigis nin, ke niaj klasoj daŭros en 1974.

A.E.A. PLAN FOR 1974/5

INFORM SCOUTS AND GUIDES

Have you ever felt that you would like to be able to do something for Esperanto, if only it didn't entail too much time or need special knowledge?

The A.E.A. Laborplano is something in which every member, no matter how isolated, can help.

Briefly, it's this: Make friendly contact with your own local Scout and Guide leaders (Clubs, Federations, and AEA officials will see to the Head Office contacts). Tell them something of your own experience with Esperanto, and most important, tell them about their own Esperanto league, the Scout Esperanto League (SKOLTA ESPERANTISTA LIGO). Most Australian scouts have not yet heard of it, and this is our main object—to tell them about it.

More about the League will appear in "A.E." Pass it on as it appears. That's all. Our aim at present is to INFORM, not recruit. Easy? But important. If we all act together, the result could be tremendous. Scouts and Guides need Esperanto for real, personal international friendship with each other, which their "new look" emphasizes.

There are 20,000,000 Scouts and Guides. If 1 in 1000 make use of Esperanto, that could more than double the world's active Esperantists — and with young people who have a lifetime ahead.

I've been given the job of looking after this campaign. I'll be glad to help and advise. PLEASE WRITE TO ME. I have pamphlets about the S.E.L. — John Moore, 34 Hadgraft St., North Rockhampton, Qld 4701.

LANGO-LIGILO !

La plej longa vorto en la Plena Ilustrita Vortaro? Versajne la 19-litera: desoksiribonukleata. Prononcante ĝin, nepre akcentu nur la antaŭlastan silabon! P.1213.

UNIVERSAL KONGRESS

Those intending to be at this year's World Esperanto Congress in Hamburg can get details and application form from the Chief Delegate, K. C. Linton, 11 Poplar Street, South Caulfield, 3162.

RECENZOJ

"Ni kaj Ĝi: Escoj III. Pri Religio kaj Arto." Gaston Waringhien. Eld. Stafeto, Tenerife. 16 x 22 cm. 347 paĝoj. \$6 U.S.

Komence, li vorte vizitigas leganton al la fontoj de la religia ideo — al la lok-teroj originaj. Sekvas ĉapitroj pri Magio antaŭa kaj nuna, pri Tabuoj, pri Egiptujo, ĝiaj religio kaj rilato al la Biblio, pri Amos, "la unua revoluciulo", pri Jesaja (la Anonima Profeto), "la unua evangeliisto".

Poste venas analizo struktura de la Nova Testamento, ĝia origino kaj formigado, ĝiaj kronologiaj problemoj; la Antinomioj de Jesuo kaj kritika disertajo pri lia raportita vivo.

Pri ok frazoj en la preĝo "Patronia" li levas pikajn demandojn, serĉante sencavajn signifojn. Liaj interpretoj kaj ekzegezo malkovras aspektojn certe novajn por rutinaj voĉantoj de tiu universala preĝformo.

Li traktas pri Senmorteco: la mistera naskiĝo de Jesuo; ties vizaj aperoj al la disĉiploj; la naturo de Maria kaj la historiaj etapoj de ŝia eklezia Dipatrinĝo; la malfaciloj de Novtestamenta tradukado, donante interesajn ekzemplon, kaj multo alia.

Dum kvar jaroj de la Unua Mondmilito nia aŭtoro sinmove limiĝis je la remparoj de sia naskurbo; dum kvar jaroj de la Dua lia vivospaco etigiĝis ĝis du hektaroj en kaptitejo; formante en si la enhavon de ĉapitro: Pensoj en Hospitalo, li, malsana, devis okupi nur litspacon. Fruktiĝis tie 14 paĝoj da aforismoj, observoj — foje juste indignaj.

Per tio supra la aŭtoro sin evidentiĝas homo egala aŭ supera al multaj proprafakaj teologoj. La varieco kaj amplekso de lia menso pensigas — komprenende kun modifoj — pri la universaleco de Vinĉi, Franklin, Svedenborgo...

La dua parto konsistas el 84 paĝoj pri Arto. Recenzi ĝin ni rezignas, konsciante nekompetentecon taŭge, inde kaj merite sin esprimi pri tia majstra elmonro. Forte ĝin ĝuus homoj ame digestintaj la priartajn verkojn de John Ruskin.

"En la Nubon ŝi sorbiĝis for!" Eld. Kjuŝua Esperanto-Liĝo. 900-03 Minamihara, Kanda-mati, Japan: 62 -paĝoj. Prezo ne indikita.

Kompilaĵo pri la atombombo sur la urbon Nagasako en aŭgusto, 1945. Tiu ilo egalas la detruan potencon de 2000

B-29-aviadiloj plene ŝarĝitaj per ordinaraj bomboj. Tiu afero, tremige horora, estas neforviŝeblе gravurita sur la homa konscienco. Orientanoj kompreneble demandas al si: ĉu regantoj de blankula nacio ĵetus tian diablan bombon sur blankulan malamikon? Nu do, ni rajtas kredi, ke Hitlero ja estus tion farinta, se li siatempe havis tiun teruran detruilon en siaj manoj. Posedas ĝin hodiaŭ blankaj nacioj, kiuj sin tenas unu al la alia suspekteme, neamike kaj eĉ minace. Tiuj rivalaj nacioj riciproke flirts ĝin kiel "malinklinigilon" kont-raŭ supozata militemo.

Cetere, ni rimarku, ke la Brita-Usona atako sur Dresdenon (feb. 1945) mortigis 135,000 homojn, duoble la nombron da viktimoj je Hiroŝimo, ses monatojn poste.

La bomboj sur la urbojn Hiroŝimo kaj Nagasako generis en la Japanoj fundegan malamalon al la militismo. "Ne Plu Milito!" estas statute enskribita en la Konstitucio. Se la Japana popolo vere, efektive diktas la nacian politikon, oni rajtas supozi, ke Usono vane penus varbi Japanujon kiel armitan aliancon en ia ajn milito, nuklea aŭ "konvencia".

La "ŝi" en la titolo estas kompatinda juna viktimo de tiu brul-katastrofo. La eventojn dum tiu terura tempo "literaturece" rakontas 400-jara kamfor-arbo, kiu ĝin transvivis. Tiu esprim-medio lerte impresas pro sia arta taŭgeco en verko ĉi-speca.

La libreto mem estas Apelo al la Mondo kontraŭ uzo de nukleaj armiloj. El Japanlingva originalo tradukis ĝin kolektivo de 13 homoj, kiuj meriteinde faris sian taskon.

RECENZOTAJ: NOVAJ LIBROJ.

"... Kun Siaspeca Spico!" Raymond Schwartz. Prozaĵ kaj versaj humuraĵoj originalaj, inter ili la tuta serio de Laŭ Mia Ridpunkto kun klarigaj notoj de Ulrich Lins. 216 paĝoj. \$4 U.S.

"La Arbo de la Sciado": Pio Baroja. Romano el la Hispana tradukita de Fernando de Diego. Aŭtor- kaj verko-prezento de Juan Regulo Perez. Libro komparinda kun iuj de Tolstoj, Turĝenev, Dostojevskij. 256 paĝoj. \$4.40 U.S.

"Vojo kaj Vorto": Roberto Passos Nogueira. Poemoj originalaj kaj tradukitaj. 111 paĝoj \$2.50 U.S.

"Esploroj. Poemoj": Baldur Ragnarsson. 123 paĝoj. \$2.50 U.S.

Tiuj 4 verkoj estas eldonitaj de Juan Regulo (Stafeto).